

Dumonda Bucher-Brini concernent la qualidat dal "agid complementar per educar" e da las purschidas da l'agid per uffants e giuvenils en il chantun Grischun

Las enconuschientschas ch'èn vegnidas fatgas cun elavurar il chapitel da las "mesiras repressivas" mussan eveniments commovents sco er gravants ch'ils uffants ed ils giuvenils pertutgads han stuì supportar quella giada. Varsaquantas persunas pertutgadas sa chattan er oz anc en l'uschenumnà process d'elavuraziun. Ina finamira impurtanta è perquai quella che talas "mesiras repressivas" (sco da quella giada) na sa repetian betg e che las autoritads e las instituziuns respectivas reageschian e decidian a temp ed a favur dal bainstar da l'uffant. Oz sco er quella giada èn ils motivs per in sustegn famigliar fin ad ina collocaziun en ina instituziun quasi identics. Er oz datti eveniments che furman in context da sforz per motivs da la protecziun e dal bainstar da l'uffant.

En quest connex tschantan las sutsegnadras ed ils sutsegnaders las suandantas dumondas a la regenza:

1. Co vegni garantì ch'ils uffants ed ils giuvenils sco er lur famiglias survegnan il dretg mument la mesira correcta?
2. Vegnan las mesiras scleridas en moda differenziada e stattan a disposiziun avunda resursas per far quai?
3. Stattan a disposiziun avunda resursas per accompagnar questas mesiras?
4. Co vegn garantida la qualidat en il sector simpel ed en il sector pretensius (ambulant e staziunar) da l'agid per uffants e giuvenils?
5. Tge tenuta ha la regenza envers ina lescha davart l'agid per uffants e giuvenils (sco per exempel quella dal chantun Turitg) che fixescha las cundiziuns generalas per tut il "agid complementar per educar"?

Cuira, ils 6 da december 2017

Bucher-Brini, Locher Benguerel, Casty, Atanes, Baselgia-Brunner, Brandenburger, Cahenzli-Philipp, Caviezel (Cuira), Clalüna, Deplazes, Dermont, Felix (Scuol), Geisseler, Gunzinger, Hitz-Rusch, Holzinger-Loretz, Jaag, Joos, Märchy-Caduff, Marti, Monigatti, Niederer, Niggli-Mathis (Grüsch), Noi-Togni, Perl, Peyer, Pfenninger, Pult, Stiffler (Cuira), Thomann-Frank, Thöny, Tomaschett-Berther (Trun), von Ballmoos, Widmer-Spreiter, Antognini, Engler (Surava), Pfister, Wellig